

12. 04. 2018

Broj: 11561-02-02-18  
Datum: 12.04.2018. godine

Org. jed.	Broj	Prilozi	Vrijednost
	02 - 3745		18

**Registar vrijednosnih papira FBiH**

**PREDMET:** Zahtjev za objavu Ponude za preuzimanje

Poštovani,

U vezi sa preuzimanjem društva Sparkasse Bank dd Bosna i Hercegovina sa sjedištem u Sarajevu, Zmaja od Bosne 7 od strane Steiermärkische Bank und Sparkassen Aktiengesellschaft sa sjedištem Sparkassenplatz 4, A-8010 Graz, Austrija, a u skladu sa članom 27. stav (3) Zakona o preuzimanju dioničkih društava (Službene novine Federacije BiH br. 77 od 7.10.2015.g.) podnosimo zahtjev za objavu Ponude za preuzimanje na vašoj internet stranici, a koja je objavljena u dnevnim novinama "Avaz" i „Oslobođenje“ Sarajevo dana 12.04.2018.g.

S obzirom na navedeno molimo da u ovom e mailu priloženu Ponudu za preuzimanje na svojoj internet stranici objavite dana 12.04.2018.g. ili najkasnije 13.04.2018.g.

Srdačan pozdrav,



Sparkasse Bank dd BiH  
*Sanel Kusturica*

Sanel Kusturica, Predsjednik Uprave

*Nedim Alihodžić*  
Nedim Alihodžić, član Uprave

Na osnovu Zakona o preuzimanju dioničkih društava (Službene novine Federacije BiH br. 77 od 7.10.2015.g.) i Rješenja o odobrenju ponude za preuzimanje od strane Komisije za vrijednosne papire Federacije BiH br. 04/1-19-50/18 od 05.04.2018.g. Steiermärkische Bank und Sparkassen Aktiengesellschaft objavljuje:

## **PONUĐU ZA PREUZIMANJE DRUŠTVA Sparkasse Bank dd Bosna i Hercegovina**

### **1.1. Firma, sjedište i adresa u sjedištu ciljnog društva, visina osnovnog kapitala i klasa i broj dionica koje čine osnovni kapital ciljnog društva**

Sparkasse Bank dd Bosna i Hercegovina sa sjedištem u Sarajevu, Zmaja od Bosne 7, društvo registrovano kod Komisije za vrijednosne papire Federacije BiH pod registarskim brojem emitenta 02-43-5165 u Registru emitenata.

Ukupni dionički kapital Sparkasse Bank dd Bosna i Hercegovina iznosi 86.473.300,00 KM i sastoji se od 864.733 redovnih (običnih) dionica sa pravom glasa, nominalne vrijednosti 100,00 KM što čini 100% dioničkog kapitala Banke.

### **1.2. Firma, oblik organizovanja, sjedište i adresa u sjedištu ponudioca**

Steiermärkische Bank und Sparkassen Aktiengesellschaft sa sjedištem Sparkassenplatz 4, A-8010 Graz, Austrija (u daljem tekstu "Ponudilac") društvo registrovano kod Pokrajinskog suda za civilno - pravna pitanja Graz, pod brojem FN34274 d. Ponudilac u postupku preuzimanja ciljnog društva djeluje samostalno.

### **1.3 Klasa i broj dionica i glasova ciljnog društva koje drži Ponudilac**

Ponudilac je vlasnik 839.160 redovnih (običnih) dionica sa pravom glasa ciljnog društva sve u nominalnoj vrijednosti po 100,00 KM što ukupno iznosi 83.916.000,00 KM dioničkog kapitala ciljnog društva.

Steiermärkische Bank und Sparkassen Aktiengesellschaft ima procentualno 97,0427% dioničkog kapitala Banke odnosno glasačkih prava u ciljnom društvu.

### **1.4. Broj, vrsta i klasa dionica koje su predmet Ponude za preuzimanje**

Ponuda za preuzimanje se odnosi na sve dionice koje ne drži Ponudilac i to na 25.573 redovnih (običnih) dionica sa pravom glasa što čini 2.557.300,00 KM ili procentualno 2,9573% dioničkog kapitala odnosno glasačkih prava društva Sparkasse Bank dd Bosna i Hercegovina.

### **1.5. Minimalan iznos dionica, koje moraju biti ponuđene, da bi ponuda bila obavezujuća**

Ponudilac nije odredio minimalni broj dionica koje moraju biti ponuđene da bi ponuda bila obavezujuća, tako da je ponuda obavezujuća za Ponudioca i Ponudilac će kupiti, u skladu sa uvjetima iz ponude, svaku i sve dionice dioničara koji prihvate ponudu.

### **1.6. Izjava u skladu sa članom 22. tačka g) Zakona o preuzimanju dioničkih društava**

Ponuda za preuzimanje je upućena svim dioničarima ciljnog društva za sticanje svih dionica koje su predmet ove ponude pod propisanim i objavljenim uvjetima.

Ponudilac će kupiti i dionice na kojima je zasnovano neko opterećenje (založno pravo, pravo plodouživanja, pravo trećih lica na vrijednosnim papirima i drugi tereti) odnosno ograničenja prava iz vrijednosnih papira dioničara samo ako dioničar u periodu trajanja ponude za preuzimanje u Registru vrijednosnih papira Federacije Bosne i Hercegovine provede postupak brisanja zasnovanog opterećenja.

### **1.7. Cijena**

Ponudilac nudi za svaku pojedinu redovnu (običnu) dionicu iznos od 115,00 KM ili 115% nominalne vrijednosti dionice.

### **1.8. Izvor i način osiguranja naknade za plaćanje dionica koje su predmet Ponude za preuzimanje**

Ponudilac je u svrhu osiguranja plaćanja svih dionica ciljnog društva iz tačke 1.4 ove ponude iz vlastitog poslovanja osigurao i uplatio novčana sredstva na račun Registra vrijednosnih papira u Federaciji Bosne i Hercegovine.

### **1.9. Rok plaćanja**

Rok za plaćanje deponovanih dionica dioničarima koji prihvate ponudu je 7 dana od dana isteka roka trajanja ponude za preuzimanje.

### **1.10. Rok trajanja Ponude za preuzimanje**

Ponuda za preuzimanje traje 28 dana od dana njene objave u dnevnim novinama.

### **1.11. Firma, sjedište i adresa u sjedištu Registra**

Registar vrijednosnih papira u Federaciji Bosne i Hercegovine  
Maršala Tita 62/II  
71000 Sarajevo  
Tel: +387 33 279 150  
Fax: +387 33 279 151  
e mail: info@rvp.ba

### **1.12. Prihvatanje i povlačenje prihvatanja Ponude za preuzimanje**

Dioničari koji prihvate ponudu trebaju najkasnije do isteka roka važenja ponude predati Registru pisani nalog (NP2) za prihvatanje ponude ovjeren od strane notara i original ili kod notara ovjerenu kopiju potvrde banke o broju transakcijskog računa na koji će im Registar izvršiti isplatu novčanih sredstava. Nalog za prihvatanje ponude i potvrdu moguće je dostaviti neposredno Registru ili putem pošte na adresu iz tačke 1.11. ove Ponude za preuzimanje. Potpis nalagodavca/dioničara ili punomoćnika na nalogu mora biti ovjeren od strane notara. Ako se nalog za prihvatanje ponude upućuje poštom, isti mora biti zaprimljen u Registru najkasnije zadnji dan roka važenja ponude.

Ukoliko je dioničar prihvatio ponudu na prethodno opisan način dioničar može sve do isteka roka ponude povući svoj nalog o prihvatanju ponude, tako da dostavi Registru

uredno ispunjen nalog (NP3) za povlačenje dionica sa računa za deponovanje kod Registra na račun dioničara kod Registra, ovjeren od strane notara.

#### **1.13. Poslovanje ciljnog društva nakon preuzimanja**

Ponuda za preuzimanje, osim u pravcu daljeg razvoja i jačanja, neće utjecati na promjenu poslovanja ciljnog društva polazeći od toga da je Ponudilac već vlasnik 97,0427% dioničkog kapitala odnosno glasačkih prava u ciljnom društvu.

#### **1.14. Strateški planovi ponudioca**

Ponuda za preuzimanje neće utjecati na dosadašnje planove poslovanja ciljnog društva odnosno na politiku zapošljavanja i radnopravni status zaposlenika ciljnog društva i društva ponudioca, niti će doći do promjene vezane za mjesto u kojima ciljno društvo i društvo ponudilac obavlja svoju djelatnost polazeći od toga da je Ponudilac već vlasnik 97,0427% dioničkog kapitala odnosno glasačkih prava u ciljnom društvu.

#### **1.15. Uprava i nadzorni odbor ciljnog društva**

Ponuda za preuzimanje neće utjecati na upravu ciljnog društva niti na novčana i nenovčana davanja kao i druge pogodnosti koje se daju ili čine vjerovatnim članovima uprave i nadzornog odbora ciljnog društva polazeći od toga da je Ponudilac već vlasnik 97,0427% dioničkog kapitala odnosno glasačkih prava u ciljnom društvu.

#### **1.16. Prijenos dionica manjinskih dioničara**

Ponudilac će nakon provođenja postupka preuzimanja ciljnog društva koristiti zakonsko pravo prijenosa dionica manjinskih dioničara ciljnog društva u skladu sa članom 45. Zakona o preuzimanju dioničkih društava.

#### **1.17. Dodatne informacije**

U slučaju potrebe za dodatnim informacijama i/ili pojašnjenjima dioničari ciljnog društva ih mogu dobiti putem web stranice Registra vrijednosnih papira u Federaciji Bosne i Hercegovine: [www.rvp.ba](http://www.rvp.ba) ili kod ciljnog društva na e-mail: [info@sparkasse.ba](mailto:info@sparkasse.ba) ili na broj telefona: +387 33 280 300.

**Steiermärkische Bank und  
Sparkassen Aktiengesellschaft**